

0 10 20 30 40 50 60 70 80 90 100 110 120 130 140 150 160 170 180

Inches 1 2 3 4 5 6 7 8 9 10 11 12
Centimetres 1 2 3 4 5 6 7 8 9 10 11 12



吳橋縣志

2216213
2642.0732
=6



Kodak Color Control Patches

Blue
Cyan
Green
Yellow
Red
Magenta
White
2/Color



吳橋縣志卷八

人物志中

封贈

明

周冕以子尙忠貴贈承德郎南京戶部主事


李順以子懿貴封中憲大夫陝西漢中府知府加一級

郜良臣以子大經貴封大夫江西吉安府知府

馬玉以子尙義貴贈承德郎甘肅行太僕寺寺丞

劉林以子掇科貴贈登仕佐郎鴻臚寺序班

王暹以子稟齡貴贈承德郎光祿寺署丞



王孫錫以子作肅貴贈修職郎南宮縣教諭
楊詔以子一芝貴贈登仕佐郎鴻臚寺鳴贊

王繼業以子邦彥貴贈登仕佐郎鴻臚寺序班

王一洮以子允長貴贈文林郎山西武鄉縣知縣

范汝河以孫景文貴贈資政大夫南京兵部尙書

范永年以子景文貴封資政大夫南京兵部尙書

李懿以孫天經貴贈中大夫光祿寺正卿

國朝

劉靖華以子子正貴封文林郎山東濟南府章邱縣知縣

王淳以孫世傑貴贈懷遠將軍湖廣分守湖南道中軍署都司

僉書

王國棟以子世傑貴贈懷遠將軍湖廣分守湖南道中軍署都

司僉書

季無瑕以孫崇楷貴贈文林郎廣西桂林府陽翔縣知縣

季維藩以子崇楷貴贈文林郎廣西桂林府陽翔縣知縣

侯廷桂以子作吳貴贈文林郎山東青州府博山縣知縣

侯一位以子作吳貴封文林郎山東青州府博山縣知縣

陳鴻誥以子生告貴贈文林郎江南衛輝府獲嘉縣知縣

王實穎以嗣子問羹貴贈中憲大夫江南分巡淮陽兵備道

王實堅以出嗣子問羹貴封中憲大夫江南分巡淮陽兵備道

謝于京以子象坦貴贈儒林郎候選直隸州州判加二級
祝良愷以子時宜貴贈徵仕郎捐職州判

方鳴皋以孫林貴贈奉直大夫刑部江西司主事奉天司主事
方蔚以子林貴贈奉直大夫刑部江西主事奉天司主事

祝飛龍以子德全貴贈奉政大夫山西潞安府同知

王烈以子伯齡貴封奉政大夫河南信陽州知州加一級

王文友以子一石貴贈修職佐郎文安縣訓導

劉廷瑞以孫恩濬貴贈資政大夫內閣侍讀道銜記名知府加
五級

劉碩膚以子恩濬貴封資政大夫加道銜內閣侍讀記名知府

加五級

王南金以孫卽喬貴贈文林郎山東青城縣知縣

王溥以子卽喬貴贈文林郎山東青城縣知縣

李世法以孫松齡貴封通議大夫台州府知府加三級

李慶元以子松齡貴封通議大夫台州府知府加三級

梁居東以孫豫熙貴授中憲大夫兵部員外郎道銜

梁順德以子豫熙貴授中憲大夫兵部員外郎道銜

恩廕

明

張銳以父玉右副都御史廕入監官光祿寺寺丞

范鉉超以父景文尚書廕襲官生贈工部營繕司主事

李壽祺以父天經光祿寺卿修厯考滿廕入監讀書

國朝

劉澤嗣以兄澤厚江安縣殉難廕入監補授高安縣知縣厯刑

部郎中

文學

周曰庠字養三號匪蓼幼時能文章爲諸生試輒冠軍康熙庚午舉於鄉屢困公車乃居家教授生徒四方來學者甚衆或貧乏不自給卽資之膏火俾卒其業爲學務經術不競時趨雖時誦習帖括要以見道爲宗主著有經史辨異諸儒論衡若干卷

王履吉字慶旋天姿英邁書過目輒成誦年十七補博士弟子員旋食餼年十八其父作肅署滑縣教諭留公于家事祖母至孝年三十九舉孝廉考選內閣中書改補知縣其胞叔作哲歿乏嗣公甫生一子名天祐慨然繼之以敦叔姪之情實

成父友愛之志也至父歿哀毀骨立罔愆于禮夫以公隻身一人爲其父事祖母鄭以孫而兼子爲其叔父延嗣事叔如事父而當其父母之歿養生歸葬備極焦勞至於才思曠逸性情蕭疎淹通諸子百家賦詩彈琴書法鍾王繪及花卉尤工墨竹此其德行之緒餘不足爲公道者也

王實堅字豈匏候選縣丞品行高卓學問淵深好古敏求不求仕進居家儉朴待人冲和門外事不與也歲乙丑大飢出粟分貸邑人所存活不下數萬衆有不給典田以繼有友黃某寶應人值黃河水漫正當其衝公聞之急遣人持百金馳往贈之比使者至則某已饑餓不能出門戶矣公之慕義樂施

如此者不可枚舉遇不平力爲昭雪涉嫌怨而不顧凡有義舉慨然自任雖賠累而不悔具見於公之行實有贈句云信手金如流水去到門客比亂山多其梗概可想見矣工墨竹善地理注有遺一春秋左傳地理心法造葬指南九河臆說冰雪齋詩集乾隆丙辰恭遇千叟宴

寵

錫有加年八十有二無疾而終以子淮揚道問羹貴封如其官

季炬號洞蒼幼聰慧至性過人七歲能屢文時父之任霍山未携眷奉母家居承顏順旨日夜攻苦寒暑無間年十七小試冠軍受知於錢香樹司寇閱其文甚器重之乾隆壬申科舉於鄉及父以安陸府同知卒於潛江工次問訃哀毀幾不欲

生卽奔赴任所奉父柩回藉而其父歷任清苦行李之外不
名一錢賴諸寅好釀金爲路費始克抵家往復數千里徒跣
號泣聞者莫不感泣辛巳服闋成進士時有餽以庶常可弋
獲者公峻詞力拒之及廷試竟以微疵散歸卽用班籤掣貴
州到省署平遠州知州地環萬山民襍徭俗最爲難理公蒞
任卽教以孝弟授以詩書民風爲之丕變而自以不服水土
請改歸教職補宣化府教授公樂於誘掖後進每月課誼誼
講授未常稍怠於是人才輩出登甲榜列賢書者迨不可以
枚舉因口北地高風寒骸疾時發遂致仕歸仍問歲於研田
其所入修金有餘卽以贍親朋之貧乏者家雖屢空晏如也

著有吳橋聞見錄漱芳齋文集詩集藏于家

王文友字仲輔候選訓導歷署雄縣教諭順德府教授喜吟咏
愛繪事晚年酬應浩繁不肯拒人多擬文沈寫意雲烟浮動
見者咸爲奇絕詩多口占不存稿然偶一篇出人皆傳誦先
時順府入庠者有紅案棚印諸陋規大爲寒素累抵任後皆
免之至今士人稱頌之道光元年正月運河決直灌縣城維
時紳民倉皇罔知所措公曰雖天災寔須人力塞鈎盤河岬
各路口當無虞因先自出工料督率人衆頃刻而隘口塞又
雇船以濟往來行人便之至修廟宇建橋梁救貧恤難皆踴
躍爲之故邑人有王善人之目云王一石字崑玉官文安縣

訓導工詩善飲篤於友愛因弟亨嘉官粵每以俎豆興懷曰
人既不能顯親揚名何如大被相守博此蝸角奚爲時以離
緒見諸吟咏會逆夷亂粵懷思倍切日惟飲酒夜不成寐卒
於任有將就軒詩集行于世崑玉係仲輔長子

卓行

國朝

王樞號淡園生而明敏品端學優爲識者所重赴棘闈不售歸
而益精所學百家諸子之書無弗讀栽花蒔竹以寄興勢利
之交淡如也爲人言笑不苟服飾淳朴濟人之困厚施不望
報卽人非故識驟有所請亦如所求而去邑宰杜公于藩以
其行足風世乃修憲乞之禮子燮康熙己酉舉人事繼母以
孝聞三子光爲諸生累舉優行

李炯字倬雲父早世事祖母及其母色養備至質穎學優爲諸
生試屢第一雍正癸卯拔貢不樂仕進遂居家教授生徒有

貧不給者時佐以薪火抱腿疾不起仍不輟研究著春秋輯義拾遺草若干卷平生重交游樂推解稱於郡邑

劉珂嘉靖二十年珂出行村里見有人坐樹下已而竟去遺物於地不覺也視之爲金二百珂知其必返尋乃亦坐樹下待之時腹且饑採桑椹食之卒不動比暮一人皇遽至狀若欲泣珂問爲誰曰吾某所解糧戶李全義也早於此少息官銀二百遺不復見罪當如何矣珂謂全義無恐吾爲子守之待且久因出金還全義其人欲謝之珂笑曰吾不攜之去顧須謝乎故城盧深者少時拾遺金三百於衢後又有失金者深再得之並以還其人與珂行畧同

流寓

國朝

常瀚號蓉舫永平府灤州人其祖坦號蓮溪任此司鐸遂寄寓焉後爲山西襄垣令坦子際唐號雲門曾任山東范縣令蓉舫公乙酉科拔貢以知縣分發陝西歷任朝邑大荔邠州鄜州咸甯升乾州漢中府

簡延榆綏道署按察使所至有聲防剿粵逆徇匪功績尤著卒於榆任歸厝於邑屬北郭外著有靜樂詩集

吳名鳳字竹菴同郡甯津人壬子科舉於鄉大挑一等籤掣江西授德化縣知縣歷陞景德鎮同知署理南康九江吉安撫

州南昌知府均有政聲所蒞之處民咸以吳青天呼之告歸寄居吳橋誘掖獎勸汲引後學著書立說毫毫不倦於咸豐壬子科重赴鹿鳴卒年八十有九厝於邑屬城東新莊著有此君園制藝存此君園文集禹貢解易經解九河圖說行世吳濬源字馨堂竹菴公長子廩貢由大理寺評事選南京督糧廳同知以腿疾告歸居吳橋遂籍焉卒葬於城東竹菴墓側

吳橋縣志卷九

人物志下

節孝

明

許氏張本妻生子玉尚幼本死年二十三躬紡績訓玉讀書後舉進士爲御史始請表彰云

吳氏生員周賢妻子尚文數歲賢故年二十四訓子篤學貢入胄監授知縣氏八十以節終焉

陳氏適祈果一載而果死陳年十九有姿人爭慕之氏恐遭無賴遂削髮誓守七十餘年以節終

孫氏主員邵經妻適邵二載夫死年二十一遺腹子亦死姑意其年少受人財欲奪其志孫不可因至訟於官縣令李欽訊其情使得守節年七十餘歲一無玷焉

趙氏馮紀妻紀死年二十七子名自警方幼氏備鍼自給警長娶媳王氏生二子警亦死王氏與姑皆完節終身撫按題其宅曰一門雙節

范氏生員范桂女適馬璉纔五載璉病故止一男方二歲氏年二十家寒微蔬食啜粥育孤子長爲邑庠生

張氏周本順妻順卒張年十六守節三年翁念其少且家貧欲嫁之遂剪髮爲尼朝夕焚誦父母憐其志於宅邊隙地築室

居之終身不出門戶

李氏趙存仁妻年二十一存仁歿無子立志自守未幾翁故家業凋落乃躬操井臼以餬其口姑病痿疾不能動履朝夕抱持之備極艱苦蓋節而兼孝者也

邵氏李如雁妻雁死氏年二十五朝夕焚香誦經終身不懈人稱完節

邵氏王汝欽妻年二十七歲夫故

梁氏乃邵氏媳年二十四歲夫一洮故

王氏乃邵氏女年二十二歲夫陳志遠故

以上三氏皆弱年孀居同出一門惟梁氏遭際殊艱事孀姑

最孝姑晚年久病日夜摩背腹和藥餌累歲不懈爲姑祈神臘月衣單迨夫逝無尺土寸椽紡綿撫孤諸艱備歷常至日不舉火蒙巡方使王公奉旨旌表立一門三節坊迨長子胤長領乙卯鄉薦由武鄉縣知縣歷陞河南守道遇覃恩封爲太恭人次子胤亨胤才俱爲邑庠生人以爲節孝之報云

李氏係封君諱如峯之女歸鴻臚劉公長子俊烈夫卒年甫十九歲矢志守節事姑以孝聞有司毛公爲之建坊給匾范氏名景妣適邑庠生王世德德以應試卒京邸氏年二十四聞計一慟絕而復甦誓以身殉男孫錫方在襁褓父母勸之曰死易耳獨不爲王氏一綫計乎乃忍死撫孤熊丸課讀至

夜分不倦氏讀書知大義擅吟咏著冰玉齋詩草若干卷王漁洋池北偶談載之以爲閨閣詞宗兼通書法畫苑常手摹大士像精巧擅絕一時柏舟自矢閩政肅然屢蒙旌表以避亂卒於氏兄范文忠公宦邸文忠爲撰志銘

劉氏爲孝廉劉接武姊幼適靈山衛經歷萬桂爲妻桂卒氏撫孤子邦傑游成均孀居四十年備極艱苦

陳氏于氏張氏鄉民劉變化之母與祖母曾祖母也于氏養孀姑撫孀婦三世苦節

旌表其門

國朝

張氏歲進士張虞機女廩生王屏妻屏故氏年二十五遺子年甫周氏抱泣柩前數日不食欲自縊以老姑在堂不忍棄乃竣夫喪事紡績自力奉姑甘旨三十餘年姑歿喪葬如禮壽至六十一卒

趙氏蔡淳妻舉人恒馥之母也淳故年二十四馥方五歲氏守節保孤紡績教讀馥登丁酉賢書蘭孫林立人謂苦節之報督學題其門曰節茂松筠壽七十有一

丁氏萬厯己酉舉人劉接武繼室年二十夫故氏慟不欲生前室有二子大昕大晟俱幼某乘其孤寡橫逆相加氏率二子鳴官泣陳顛末豪強理屈伏法後二子俱入庠孫澤厚登乙

亥進士次孫廩生澤嗣歷節六十年壽至八十餘

劉氏自幼喜讀書習文字每見節烈事輒玩賞不置年十五歸劉昱夫歸稱梁孟焉甫二載而夫亡曰未亡人夫歿又乏嗣卽應相從地下所以不死以上堂雙親在也青年矢志守井臼躬操代夫盡子職朝夕事翁姑至老履苦若節洵屬大節凜然節也而兼孝矣誠堪風世

李氏生員韓宏濟繼室濟故李年二十五歲有勸其改適者剪髮破面以明其志孀居三十五載人無間言前子附生韓文焯亦孝養稱志焉

于氏儒士楊日茂繼妻附生楊長源繼母崇禎十一年日茂死

于兵氏年方二十四歲有二子大者能步小者在襁值歲大
飢翁率其三子就食山東前女十歲前子七歲寄養舅氏有
繼姑卧病飲食藥餌俱絕飢餓狼狽無片瓦立錐之產拮据
葬理氏乃携其二子歸母家後又少亡一子至康熙十二年
已守節三十六年矣猶寄居兄弟之家織紡不輟苦節已終
王氏府庠段擢繼室貢士王穆義女內則夙嫻言笑不苟年二
十五歲夫亡襁褓子數月殤氏堅貞自矢之死靡他力織紡
安糟糠歷三十餘年少年無嗣甘於茹荼至五十而不變蓋
冰心玉節出自天性矣

張氏生員范克任妻任死氏年二十五歲守節不嫁至康熙十

二年已歷三十餘載後以壽終

劉氏劉靖華女城武令李公男庠生震蕃妻夫卒氏方十七歲
事舅姑極孝撫孤成立氏以節終焉

武氏增生蘇登繼室登故氏年二十五歲守節撫前子無異已
出事孀姑克盡婦道至六十一歲長子光宗以歲薦入監次
子顯宗三子耀宗俱藉甚鬻門皆氏三十餘年苦節所成也
邵氏蘇承徵妻二十七歲孀居歷四十八載以節終焉有二子
長文華次芳俱庠士皆成立

王氏許宗禮妻夫故氏年二十六矢志守貞孝養翁姑紡織度
日孀居六十四年壽九十歲無病而終

張氏許名貴妻卽王氏兒婦也貴又早卒氏自二十四歲寡居同姑守節曲盡孝養壽亦八十有六姑媳雙節同高大年

陳氏羅袍妻附生羅二聘母袍故氏二十二歲時聘方二歲氏守貞撫孤畫狄教讀入庠氏年六十二歲四十年苦節不可泯也

陳氏于宏開妻開故氏年二十子女俱無志事二親誓不改適撫宏濟子承嗣煢煢一身養翁姑育繼子惟紡織是賴節孝雙全

李氏齊應徵妻夫出亡柏舟自誓歷三十餘年家計蕭條而能勉事老姑教育孤子孑然一身撐持門戶亦女中錚錚者矣

劉氏范自強妻強死氏二十二歲念姑李氏孤寡無倚矢志不嫁至康熙十二年氏五十八歲孀姑已逾八旬賴氏紡績奉養蓋節而兼孝者後均壽終

周氏劉永禎妻年二十二歲卽稱未亡人守節至三十餘年家貧無產上有翁姑下有子女仰事俯育皆自織紡中得之可謂苦節而貞者也

姚氏周升岳妻岳死氏年二十一歲守節家無寸產并無翁姑子女母家又貧孑然一身織紡自給至康熙十二年年五十八並無所戀苦節中身

李氏係郭國柱妻國柱死氏年三十歲至康熙十二年已守節

三十六年矣後以壽終

馬氏劉志信妻信死氏年二十七歲守節至六十餘歲而歿
趙氏郭五常妻爲五常婦三載而娶居苦貧矣然卒不負五常
人以無子謂之趙曰欲爲節義不在子有無且娶者多矣毀
行而嫁詎必皆無子者哉貧與無子吾安之弗煩勸爲乃力
治床杲作絮布以自衣食或不足忍饑而績有周之者不肯
苟受宗戚敬其廉貞將舉於官而表焉以語趙趙曰不可終
身娶吾事也吾不望旌抑何舉爲且吾聞前有寡妻當旌者
里鄰咸飽酒肉胥吏爭來索錢吾無酒肉與錢必強爲之是
重困我若以娶受旌宜讓富貴有力家吾固不願也趙後七

十餘病卒鄉人哀而葬之

彭氏劉養檜妻附生彭友英女貢士彭篤斐姪檜故氏年二十
四歲矢志靡他至康熙十二年已守節三十六載後以壽終
王氏生員祝欽妻年二十八而夫歿子女俱無苦節自守有欲
奪其志嫁之者誓不許家無立錫地惟紡績度日後漸有蓄
得田十餘畝而紡績如故所出粟且以分諸姪之乏者年七
十餘神明不衰人咸謂苦節之報云

丁氏邑人張廷樞妻勤儉安貧事姑至孝康熙庚申歲瘟疫過
重姑邵氏年已八十染病傷寒家素貧又歲饑饉夫亦卧病
不起氏事姑左右無方姑思肉食氏措得錢數文托鄰人入

市買肉竟爲所騙氏知肉不可得又不敢明以告姑乃自割股以進姑覺肉味異常氏氣色改變疑問之夫姑大驚痛疾首哭泣汗浹背皆爽然愈前縣鹿旌其門曰割股救親並請

旌表

盧氏侯元善妻十七歲于歸二十歲夫亡安貧苦守養姑訓子
歷五十餘年雍正四年

旌

周氏生員王所予繼室二十四歲夫亡誓以身殉翁姑勸諭止
之柏舟自矢孝事舅姑課前室子二已子一俱入膠庠年七
十卒雍正六年奉

音建坊旌

于氏張可傳妻可傳家道貧寒氏勤操井臼孝養翁姑十九歲
夫故翁姑憐其年少無子欲令改適氏以死自誓代子供職
守節歷五十五載雍正十年

旌

王氏庠生周風瀆妻守節年例相符雍正年

旌

張氏賈福宜妻

李氏楊喜榮妻

楊氏盧玉麟妻

以上三名均守節年例相符前縣杜于藩詳請

旌表

邵氏王遴妻

李氏監生陳鎔妻

以上二名均守節年例相符天津道詳請

旌表

趙氏生員孟有倫妻夫亡守節有年

梁氏姜宗尚妻苦節堪嘉

孫氏王度繼室二十九歲夫故矢志撫孤孝事翁媪歷三十六

載饑饉相因備嘗辛苦無斃乾隆四年

旌

王氏侯士傑妻二十八歲而寡遺孤尚在襁褓氏矢志靡他上
事翁姑下撫稚子及孤稍長延師課訓得入縣庠乾隆四年

旌

孟氏梁越妻貧屢是安二十七歲夫故哀毀絕糧復念翁姑年
老孤子無依遂誓全夫義教子成名孝奉舅姑始終如一日
守節三十四載乾隆十一年

旌

王氏生員楊東妻東卒氏年二十六歲翁姑諭以撫孤大義遂
忍死守志代供子職親奉盤匱雖年逾五旬未嘗稍懈訓子

遊庠書香克繼守節三十四年乾隆十二年

旌

劉氏廩膳生季崇標妻崇標歿氏甫十七歲柏舟自矢夫無子以兄子為嗣恩勤撫育有如親生稍長訓讀書克繼父業歷三十二載于乾隆二十七年題

旌

祝氏季輝妻十九歲夫歿勵志冰霜孝事舅姑其姑中年喪明氏晨昏侍側櫛沐飲食必親為理痛夫無子諸叔皆未授室宗嗣無託乃堅守以待遲二十年叔生子夫遂得嗣苦節歷三十二載于乾隆二十七年題

旌

段氏增廣生王楷妻善事舅姑二十一歲夫病氏奉侍湯藥久而不懈及卒欲以身殉親戚勸諭方勉就食夫無子以胞姪烈繼嗣氏撫之如所生延師督課遊庠食餼杜邑侯于藩以冰心共勵旌其門繼孫庠生九錫欲請旌表氏止之曰守節娶婦分內事耳何以旌為壽至八十五歲守節六十四年李氏廩生侯一位妻一位家貧就館氏奉事翁姑克當歡心翁姑歿佐夫營喪紀盡哀盡禮年二十九夫故二子俱幼氏安貧守節訓子成名備嘗辛苦六十二歲卒歷三十三年次子進士國正繼妻周氏二十二歲而寡亦以節聞

趙氏平原縣舉人趙孟起女年十五適貢生劉恪五年恪卒氏苦節自矢遺腹生一子熊九課讀得成儒業撫前室子女如已出年八十而終

杜氏監生祝尙志妻二十一歲夫亡子幼氏誓死不二奉養孀姑甘旨無缺姑歿祭葬盡禮撫子成立歷三十四年于乾隆二十七年題

旌

方氏增廣生姜董妻二十八歲守節至乾隆己卯年八十歲子琛丙辰副貢題准

旌表

王氏適本邑武舉任江南滁州衛守備王樸長子鴻照爲妻年二十六夫卒一子鍾秀亦亡無可嗣者氏紡織度日力事翁姑延二十餘年姪鍾珣生子成龍以繼鍾秀氏撫之如所生未及成立而氏卒年五十七守節三十一年

周氏劉愚妻二十四歲夫亡矢志堅守遺孤甫四歲氏紡績爲業撫養成立後外出不歸孫甫四月氏復撫養之年七十六卒守節五十二年

陳氏監生陳鳳來女年十八于歸邑人齊瑄於雍正十三年時氏二十三歲夫歿絕粒數日痛不欲生因翁姑諭以大義始抑情以柏舟矢志孝養翁姑撫嗣子廷賓嚴加訓課得以成

立至守節三十七年族黨莫不謂婦道兼子職知縣孫轉詳題

旌

孟氏邑人谷源浩妻年十七于歸至十九而寡苦節四十五年于乾隆二十七年題

旌

孫氏邑人焦作美妻于歸甫二載而寡時年十九守節四十七年于乾隆二十八年題

旌

馬氏監生謝于穎妻十七歸穎至雍正十年氏年二十五而夫

歿守節歷三十一年于乾隆三十年題

旌

石氏年十七歸王崙爲妻至乾隆五年氏年二十有一夫故守節時氏姑唐氏亦年二十餘而寡兩世孀居兒錫綬甫週歲家故貧奉姑教子克儉克勤後子入武庠而循謹醅良不染武豪習氣鄉里咸稱氏義方之教云至乾隆三十七年知縣孫轉詳題

旌

祝氏監生王軀妻年二十三而寡無嗣以族子士編爲後侍姑謝氏極孝養生送死莫不盡禮詢屬節孝兼備至乾隆四十

二年守節三十一年題

旌

趙氏德州監生趙作楫女年十七適邑人王勤至十九夫故哀毀骨立以孀姑相依堅守承歡家貧日事紡績迨衰老操作不懈持躬端謹白首無間言苦節四十一年至乾隆四十二年題

旌

張氏邑人張奇正女監生梁國楹妻年十五于歸至二十四而寡翁姑早歿以夫賴伯父母撫養成人事之克盡孝道氏無後以從子廷藩為嗣訓撫有逾親生孫述祖早入邑庠苦節

五十一年于乾隆四十三年題

旌建坊曰孝義兼全

謝氏監生王實栗妻山東德州謝士枚之次女也二十一于歸二十七而寡守節四十載高壽六十六于乾隆四十五年題

旌建坊

郝氏適徐姓未幾而寡矢志靡他于乾隆四十六年題

旌

李氏庠生周雲侶妻年二十四歲而夫沒氏孝事翁姑家徒壁立絕不以貧寒貽父母憂兼以讀書訓子孫後皆成立壽七十餘歲無疾而卒苦節四十一年于乾隆四十七年題

旌建坊

張氏邑人楊粵梅妻十七歲于歸夫沒紡績以養舅姑使嗣子從師讀每晚則以紡績佐之孀居苦節自少至六十一歲人無間言事聞于乾隆五十年

詔旌其門

趙氏年十七適監生張世珩為室事夫十載而夫亡孀姑年邁有子夭亡氏素明大義家雖貧而條理井井撫夫幼弟成立躬親操作從無間言守節四十年于乾隆五十三年題明

旌表

申氏邑人劉自強妻於乾隆十年夫沒氏年甫二十有一矢志

旌

守節至嘉慶二年題

梁氏適范結年二十五而寡時在乾隆三十七年守節至嘉慶十二年題

旌

張氏祝德峻妻于歸未幾夫亡于乾隆三十四年氏年十九守柏舟之志迨嘉慶十五年事聞

旌表

趙氏邑人梁繼祖妻夫沒氏年二十一歲有子梁昕甫三月氏孝事翁姑勤苦弗輟孀居四十餘載訓子亦成令器壽高八

十一歲于嘉慶十八年奉

旌建坊

李氏馬載祿妻乾隆四十五年氏年十八夫沒守節至道光二
年題

旌

王氏張釗妻乾隆四十七年氏年十九而夫亡矢志守節白首
完貞道光四年題

旌

呂氏滄州增生呂振鎬女年二十二適本邑廩生徐錦成爲妻
越三載成亡事孀姑至孝撫嗣子幼女備極艱辛孀居苦守

紡織爲生歷三十四年于道光十年題

旌

王氏王璉女年二十適蔡文魁至嘉慶元年氏年二十有三夫
歿姑梁氏多病患癱症氏奉侍湯藥夙夜匪懈十數年如一
日姑歿泣血勺漿不入口者三日嗣子夭亡孤貧自嘆以夫
族姪婦王氏亦寡遷居已室相與苦節終身道光十一年題
旌時已守志三十五年矣

董氏董悅女孫慶妻十五而嫁十七遂寡矢志柏舟事翁姑維
謹代夫盡子職承顏順志始終如一以夫幼弟嗣子備極撫
字人咸稱其孝義兼全阨窮堪憫焉守節三十五年于道十

五年題

旌

季氏邑人季坤次女于靈占妻嘉慶四年氏年二十一歲占故柏舟自誓孝事翁姑迨終焉喪葬如禮撫嗣子于鰲恩動無異親生至道光二十年守節已逾四十載知縣張額其門曰克盡婦志

王氏管作庸妻十九歲于歸二十一歲夫亡至道光二十三年守志已三十九年族隣咸欽其節操冰霜知縣張給匾示獎至同治十三年卒壽八十有一

王氏邑人季渾妻年二十而夫亡越三月而生子奉衰姑克盡

旌

婦職撫遺姪能得義方節孝兼全輿論無間苦節四十三年于道光二十四年經知縣張請

戈氏十七歲適邑儒童李金相為妻至二十二歲夫沒上無翁姑貧無以為殮鬻奩具營葬子幼多病婦不事姑息始能言即親教以識字九歲就外傳晚歸家必令背日間所讀書入泮後試擢高等皆婦教養之力也守節五十餘年于道光二十五年奉

旨旌表知縣張旌其門曰冰清蘭茂並為之立傳以誌不朽云

張氏邑人李海活妻年十七歲于歸甫半載而海活卒婦自矢

靡他姑亦尋卒氏喪葬皆盡禮過猶子爲嗣方五歲愛如已出教養兼至艱苦備嘗五十年如一日後以壽終知縣張旌其門曰德侔畫荻

梁氏山東德州庠生梁東嶽之次女年十五嫁爲本邑趙忠妻越五載而忠逝當夫病朝夕焚香願以身代夫故矢志孀居躬代子職善事翁姑暨翁姑相繼棄世悲痛泣血幾不欲生經營殯葬盡禮盡哀迨後夫弟姒又均物故遺有字女一撫育之恩愛有加族黨稱之咸豐元年請

旌時氏五十七歲守節已三十七年矣

康氏東光縣監生康士英文女本邑附生吳應麟妻嘉慶八年氏

于歸夫嬰病數月遂卒氏粒食欲絕衆勸以翁姑年邁叔弟皆幼奉養爲其姑強飯暨夫兄翁與姑不數年相繼而亡氏偕諸弟持喪營葬盡哀盡禮里黨咸推重之守節五十二載卒于咸豐五年壽百七十同治三年題

旌

李氏監生李世德女適張仰曾爲妻于歸三載而夫沒時道光九年氏年十九遵夫遺囑孝順翁姑事伯翁姑一焉後姑得痰疾親奉湯藥歷久絕無隋容于生養死葬莫不盡禮家素豐氏最樂善好施以故鄉里皆賴之更爲張氏創修支祠族譜寔爲巾幗丈夫節孝兼備者也同治四年存年六十守節

已逾四十載題

旌建坊今慶七十壽矣

楊氏邑人王慎徽妻道光元年夫故守節時氏二十八歲至同治五年已歷四十六年壽七十有三已爲請

旌

李氏監生徐嘉賓妻年二十三夫亡至同治五年六十八歲守節四十有六年矣已爲請

旌

張氏侯選同知梁植德妻幼嫻閨訓十七歲于歸佐夫勤讀入邑庠至二十七歲而夫沒氏上事翁姑下撫孤幼歷三十年

如一日訓子榮熙名列成均同治八年題

旌

旌建坊於甘石橋知縣石旌其門曰勁節凌霜今年五十有六

劉氏邑人陳銘東妻子道光十一年氏年二十三載銘東病亡柏舟自矢節操冰霜歷四十三年于同治十二年題

旌

韓氏紀玉清妻十九歲于歸至二十四歲夫歿子甫四歲氏上事翁姑下撫幼子守節四十餘年學憲龐旌其門曰貞筠勁節

侯氏邑人焦溶妻夫沒十九歲而守節無子嗣瑩瑩子立艱苦備嘗事聞

詔旌其門

郝氏庠生徐子直妻直沒氏矢志柏舟艱苦備嘗年七十餘無疾而卒奉

旨建坊

陳氏邑人盧德全妻翁天經同氏夫不一月而並故氏搶地呼天急欲身殉姑楊氏哭謂曰汝死遂汝志汝兒誰撫汝姑誰事也陳晤喪葬一切盡哀盡禮後姑沒氏號慟欲絕飲食不進者數日且克持家道族里咸重之經學憲賀旌其門曰冰雪爲心

劉氏高耀麟妻年二十二歲夫亡守節事親盡孝飲冰茹蘖苦

志堅貞五十年如一日現年七十三歲

龐氏高寅繼妻年二十二歲夫故含冰茹雪矢志靡他事親撫

孤艱辛備極守節五十年現年七十三歲

孫氏祝岱繼妻于歸一載夫歿時年二十無子以夫兄之子爲嗣苦志守節迄歷五十餘年足跡未嘗出庭戶親族罕見其面現在存年七十三歲

姜氏祝原年繼妻二十八歲夫故無子以堂姪世垣爲嗣爲之延師教讀督課惟嚴世垣入邑庠後遂卒氏復撫育寡媳幼孫苦節堪嘉現年八十二歲

節氏祝大朋妻年二十四歲夫故守節事親盡孝教子有方家

赤貧以紡績佐甘旨艱苦備嘗洵屬節孝兼至現年七十九歲

于氏葛永年妻二十二歲氏夫病卒矢志冰霜迄已六十二歲
李氏于用有妻年二十五歲夫亡守節迄已三十九年存年六十四歲

周氏劉玉振妻年二十四歲夫故遺子永泰甫三歲氏事姑盡孝訓子有方苦志已歷五十年今年七十四歲

以上八名同治十三年署知縣倪昌燮會學詳由省城志局彙轉題明

旌表

孫氏閻訓妻二十四歲夫亡守節親老家貧曲盡孝思以紡績佐甘旨隣族共欽節孝至嘉慶二十年卒年七十八歲

沈氏閻忠聖妻年二十八歲而夫亡矢志孀居事親育子既孝且慈里黨一口稱其節孝至道光八年七十四歲故

張氏王義宗妻二十四歲夫亡家貧親老復無弟兄該氏服勞奉養艱苦備嘗至道光十一年八十六歲卒

王氏閻宗梁妻年二十四而夫亡撫孤守志節操冰霜卒於道光十二年七十八歲其子名美亦有孝行

周氏高明珠妻年二十二歲夫亡至道光二十年三十七歲身故事親以孝教子有方族里咸稱節孝焉

孫氏王鳳鳴妻二十九歲夫故夫弟二人晰居田宅推讓無爭
妯娌一無間言孝養翁姑曲盡親意詢爲節孝兼全至咸豐
六年六十有三而歿

戴氏王文元妻二十六歲夫以家貧外出不知所終時氏翁振
西已歿姑趙氏年老多病夫姝青春未字子福全正在襁褓
氏紡績縫紉以資養贍未幾姑病呻吟床褥十餘年朝夕奉
侍曲盡親心喪葬嫁娶身任如禮苦節至七十八歲於咸豐
六年疾終

劉氏王振玉妻及笄于歸年三十而夫歿青年守志白首完貞
守節五十七年至同治元年卒

張氏范自頤繼妻年二十四歲夫故守節氏無所出撫前室子
女慈愛備至紡績佐讀教訓惟嚴子均成立家道日隆氏之
力也苦節至同治六年八十三歲卒

羅氏高邁德妻氏年二十七歲翁姑與夫相繼病故撫孤守節
勤儉治家里無間言咸憫苦節至同治十一年八十七歲身
故

以上十名光緒元年署知縣倪昌燮會學詳由省城志局彙
請題

旌

王氏管季雲妻年二十一歲夫故無子以夫兄之子蘭亭爲嗣

苦節五十餘年而歿

王氏管陵雲妻年二十三而夫亡無子以夫弟之子鳳亭爲嗣矢志守節五十年而歿

張氏劉中觀妻年二十四歲夫故守節無子以夫弟中穎之子爲嗣撫如已出卒年七十

蔡氏劉思清妻年二十一而夫歿親老家貧遺子福生氏柏舟自矢日惟紡績印事俯育苦節盡孝鄉里稱賢卒年七十餘歲有孫五人矣

李氏邑人張學周妻學周沒氏二十七歲生有二子敬事翁姑撫養幼孤矢志艱貞終身如一日鄉人咸稱之

張氏邑人張大賚妻生一子而夫病故氏事親以孝教子有方晝夜織紡克勤克儉翁姑沒哀慟盡禮年六十九歲無疾而卒

段氏邑人張四岳妻夫沒仰事俯育艱苦備嘗年邁古稀而卒
閔氏邑人張保亭妻夫病故茹苦將荼窮苦已極鄉里皆憐之
于氏邑人張盈元妻夫故氏年方二十二歲家甚貧晝夜紡織以事翁姑兼訓幼子以至成立年八十餘歲

沈氏邑人張德鄰妻夫沒遺二子氏矢志靡他耕讀教子里人咸稱之

吳氏邑人張文貴妻夫故無子氏堅貞自守上事翁姑生養死

葬鄉人以爲難及

周氏邑人盧致中妻于歸甫三載夫故氏晝夜號泣焚香求速死以殉夫戚屬有勸以更適者氏以厲色斥之不旬日絕食將死曰吾志畢矣言訖而沒蓋烈婦也

賈氏邑人朱雲峯妻夫故氏方二十餘歲兼無子息有以改嫁勸之者氏輒怒晝夜紡績以事翁姑艱苦備嘗終身如一日王氏邑人盧尙忠妻十七歲于歸越五載而夫故親老子幼氏孝以事親儉以持家凡六十餘年未嘗向戶外鄉里咸重其節

喬氏邑人王福有妻夫故子甫六歲翁姑老而且病氏勉事翁

姑撫育幼子守節二十餘年里人稱孝婦焉

李氏邑人張學參妻夫沒絕無嗣息或勸氏以改適每變色相斥自矢冰霜年逾七旬無病而卒

徐氏邑人孫萊妻夫病故氏事舅姑以孝教幼子以勤持已貞潔待人忠厚七十五歲以壽終

王氏邑人李恩賢妻夫沒家甚貧氏紡績度日終身未嘗有求於人此亦貧家所難得也鄉里皆敬重之

劉氏邑人張永順妻十七歲于歸未期年而夫故氏有遺腹後果生子氏朝夕紡織養親恤孤翁姑卒盡哀盡禮鄉人咸爲泣下壽至八十餘歲

張氏邑庠生王常欽妻夫沒遺子女各三人夫在時曾欠友人錢數十千氏典賣房產悉償之率子女晝夜紡織日僅一啖雖間日不舉火亦未嘗有求於人貞潔自矢年九十餘無疾而卒

吳氏邑人張進有妻夫沒撫孤子成立娶婦生孫三人而婦卒繼娶虐遇前子氏立與子婦分產斯居撫孤孫三人艱苦備至以至成立撫孤兩世苦節五十餘年

王氏邑人紀大倫妻夫故遺子甫三歲氏撫孤堅守嚴以訓子儉以持家以致家道頗充裕皆氏之力也故鄉人皆稱之

馬氏庠生張掄元妻夫沒子幼氏晝則採薪夜則紡織課子督

戒甚嚴已入邑庠氏年古稀猶自紡織不輟云

周氏邑人張鴈橋妻夫沒子甫周歲未幾子亦死父母以其年過少欲適之氏以舅老姑育以柏舟自矢氏夫兄弟三人皆不能養親氏晝操井日夜事紡織儉以自奉而厚以事翁姑以故其翁姑嘗語人曰吾雖有三子設非寡媳早已餓死矣鄉里咸稱爲賢孝云

齊氏邑人梁書年妻夫沒無二柏舟自矢事曾祖母與其翁姑克敬克孝始終無倦其翁姑嘗語人曰家有賢婦不啻孝子劉氏庠生楊連登妻夫沒無子日事女紅以養翁姑終身不出戶庭里人咸嘉其節操

徐氏邑人陳維典繼室年二十三歲而守節性慈惠頗明大義事親撫孤家政肅然能使翁姑無亡子憂親鄰有饑寒者施予無吝色現子孫皆成立人皆謂節孝所感云

王氏邑人陳瑤林妻夫沒無子女矢志柏舟早起晏眠摒擋家事事舅姑甚孝里人皆稱之

張氏邑人王金梁妻夫沒子女皆無並無兄弟以紡織養舅姑終身如一日年九十餘歲無疾而卒

劉氏邑人張文明妻年二十三歲夫沒氏撫二子紡織度日因同治七年夏流賊突至欲犯之氏痛罵乘間投井死賊退而顏色如生

范氏邑人張文魁妻夫沒紡績度日事舅以孝壽享八十餘歲趙氏邑人張九峯妻夫沒止一子氏誓以自守事親以孝撫孤以慈人咸稱之

倫氏邑人張九起妻夫沒孀居且無子家貧如洗舅姑俱患勞疾氏以紡績供湯藥十餘年如一日舅姑沒喪葬盡禮外有孀母久寡氏亦衣食與共待之如姑此尤人所難能者

傅氏邑人王鏡妻夫沒家貧子甫週歲氏孝親撫幼人無間言孫氏邑人蕭雲呈妻夫沒無子苦節自守其承嗣子秉鈞娶妻彭氏甫生一子而秉鈞亡彭氏亦柏舟自矢孝事孀姑可謂一門雙節

劉氏邑人邊思敬妻黃氏邊思德妻兄弟俱早沒劉氏黃氏誓死靡他上有祖父患癱症衣食皆二氏親身供奉六年之久如一日祖沒舅亦邁沈疴二氏親奉湯藥並禱諸神請以身代越五年而舅亦沒鄉人聞之皆爲之流涕焉

張氏邑人趙廷蘭妻夫沒無子家無升斗資紡織以養舅姑及姑病親視湯藥數年不懈營葬皆中哀中禮里人咸稱爲節孝兩全云

孟氏邑人梁鵬翥妻夫沒有子二人孟氏勉事舅姑撫育幼子壽八十餘歲無疾而卒

邢氏邑人徐蘆妻夫沒無子撫嗣子成立孀居苦節垂年七十

餘

秦氏庠生紀攀桂妻夫沒子幼氏善事舅姑堅守苦節訓子入泮孫二皆成名人咸謂貞節之報云

孫氏邑人紀克莊妻年二十餘而守節織紡爲業孝敬翁姑子孫皆成名

呂氏邑人紀錄賢妻夫沒無子呂氏善事舅姑撫嗣子年七十餘無疾而卒

程氏邑人紀通經妻夫沒無子有勸之改適者以柏舟自矢家甚貧氏艱難辛苦以事翁姑子焉獨立鄉人皆憐之

崔氏邑人張廷槐妻夫卒生有二子氏勤儉治家事親以孝二

子亦皆成名

李氏邑人劉長年妻夫沒子尙幼氏上事孀姑下撫幼子有胞姊亦寡而貧氏接養數十年戚族稱盛誼焉

王氏徐冠三妻夫病故二女一子家貧如洗母子熒熒以織紡度日其母弟欲令其改適氏以誓自矢終身不至其門

張氏邑人齊星林妻星林卒過子爲嗣氏上事雙親下撫弱孤年逾七旬勤儉猶昔

陳氏子會友妻十七歲于歸不二載而夫沒氏以柏舟自矢事姑以孝一朝一夕未嘗離左右鄉里咸稱爲孝婦云

于氏適邑人劉煜年方十五歲甫數載而煜卒婦織紝操作以事姑勵節不渝者數十年且足不踰戶外雖鄰里婦多有不相識者

張氏十七歲適葛蟾桂甫三年而蟾桂病故性至孝家雖小康而克勤克儉以事翁姑鄉評賢之

徐氏邑人齊慶林妻年二十而夫沒姑老且病婦矢志守節並無子女因以兄之子爲子事親以孝撫幼以慈治家有道門廷肅然

戴氏適劉福增夫亡親老家貧誓不再醮只以紡織爲業孝事翁姑撫育幼子同治七年流賊將入境氏投井而死可謂節而直烈者矣

戴氏王廷山妻夫沒舅姑亦相繼卒婦哀毀守節喪祭皆稱禮時論賢之

盧氏邑人王榮光妻三十歲而夫沒子連元甚幼翁早卒姑紀氏亦守節氏上事孀姑下撫幼子辛苦艱難不可言狀及姑沒喪葬義祀子長爲子娶媳方氏而子又卒子婦方氏時年三十歲並無子女方氏以婦而兼子職竭盡孝養適夫堂弟生一子甫二十五日而母沒盧方二氏代僱乳母過爲嗣一家姑媳兩娶婦撫一呱呱克勤克儉門庭肅然時盧氏存年八十歲方氏存年六十歲遠近莫不稱爲一門三節云

姜氏金麗生妻年二十七歲而夫沒一子方襁褓氏勤紡績茹

糟糠撫孤餬口常不給務令讀書識字尤爲村婦所難得

楊氏從九品孫杜繼妻年二十九而夫沒氏堅勵冰操治家有法撫前子煒如已出教養兼至煒賴以成名氏子焯亦入邑庠一門雍睦咸謂節婦感德云

梁氏邑人王鳳閣妻年二十九歲而夫沒氏哀痛欲絕泣語人曰婦賴夫以生夫死婦生何爲遂自殓死

王氏邑人高捷三妻十九歲夫沒無子又無舅姑兄弟煒煒子立惟依族姑母傭鍼帶度日夫亡之後手埋數磚於墓前囑其母家姪以爲後日合葬之記立志誓不他適守節六十餘年以壽終

貞烈

明

陳氏歸於趙見值流賊之禍至其家欲旌之陳且唾且罵爲賊所支解

戈氏監生李雲蒸妻景州附生戈應芳女崇禎十年雲蒸被難死氏抗節不辱並被殺有司旌其門曰血刃全節

王氏贈光祿卿王公女庠生郜霍妻崇禎十一年東兵亂夫妻皆以難死邑宰余尙春汚其門曰夫婦同烈

王氏儒士崔崑妻附生王守平之女也崇禎十四年歲大飢家貧夫死上有孀姑下無子女借屋而居摻作以食孝養姑劉

氏至八十歲始卒氏亦壽至古稀

郭氏張之綦妻博飲無行偁氏失身郭忿自挑其目復偁不已氏恐不免遂投繯死

國朝

陳氏女徐維福妻維福病篤陳請於翁姑以兄子爲嗣繼而維福死維福繼母不許嗣而嗾翁逼之去陳亦不復言夜半自經於棺側翁姑皆悔之待其親至越數日乃得殮色不少變如生時

竇氏女有姿范海妻也海務農家惟孀姑蘇氏一日夫與姑工做田間女鍵戶業織有方應奎者與海素識來叩門借鐵絲

見色知家惟實。在頓生淫念。強逼之。氏忿執餅杖。擊拒被奪。復以刀砍傷。奎首。奎以磚擊。竇腦裂而死。時年十九。一田間少婦。能知禮義。而剛烈。若是焉。奎遂網獲。正法。

吳氏。邑人曹林妻也。未及嫁。而夫歿。吳欲以身殉。自殓者數次。父母無奈。送往夫家。氏善事翁姑。身勤紡織者數十年。以壽終。前縣石詳請。

旌表

吳氏。邑人曹振邦妻。聘定未婚。而夫病歿。故氏聞之。慟不欲生。遂匍匐至夫家。願以身殉。翁姑苦勸。方止。爲之過一嗣子。氏奉親以孝治家。以勤自始。至終無少間。歷守四十年。咸黨咸欽。

其貞烈焉。同治十二年題。

旌建坊今年五十有六

陳氏。邑人張遵賢妻。於乾隆二十七年。因張二麻子圖淫。氏忿自縊身死。咸稱貞烈。題准。

旌表

劉氏。邑人王毅聘妻。未成婚。於乾隆五十三年。氏十五歲之年。毅以病故。守貞終身。至道光四年題。

旌

申氏。爲本邑車姓婦。於道光二十三年。被鄭三用言調戲。羞忿自縊身死。捐軀明志。節烈可嘉。次年題准。

旌表入祠

楊氏縣東北沙窩李莊李雲昌妻年十七歲夫歿柏舟矢志誓不更適守節至十六年同治戊辰三月三十日捻逆到境罵賊不屈投井而死

邵氏縣東北張家園張華年妻年二十歲同治戊辰捻逆劫掠猝至將犯之知不能脫給之曰俟吾舅姑來從汝賊使人求其舅姑至姑舅哭曰吾兒何妨少屈也氏曰吾求舅姑來一見乃死耳豈肯從賊耶賊怒刀刺未死匍匐投井死焉聞者咸哀痛不已

王氏縣北寶莊張玉崑妻年十九同治戊辰閏四月初八避賊

於萬里侯莊寨內寨破守正捐軀

張氏縣東北張家園張惡滿妻夫無行屢勸改行不聽一日盜人物被獲放回氏羞與相見是日投水坑死焉

李氏住縣東北後郭莊賈運誠妻李守仁女也同治七年張逆爲亂逼姦不從投井而死

王氏南丁莊黃文明妻同治七年賊至其家氏年十九歲賊欲犯之罵曰吾良家女子安肯從汝猪狗賊貪其色含怒百計誘之不從投井而死

時氏縣東北劉表莊范明妻時氏年四十歲子媳尙氏年二十女十七同治戊辰三月三十賊至其家見媳與女欲犯之氏

罵賊賊殺之媳與女痛姑死亦大罵賊怒將殺二人急奔入井死焉

張氏縣東北東邊莊張九齡之孫女也同治戊辰三月三十日九齡病將革捻逆至其莊外九齡命女急避之女泣曰祖父病勢危急旦夕難保何忍舍而逃乎九齡曰汝女流輩年又幼宜速避母以吾累汝耳女曰今日願與祖父同死母再命行也說未已賊入門見女被脅不屈與九齡大罵同遇害

郟氏縣東北張家圈人張華堂妻同邑郟志善女也年十九歸華堂賦性柔和事翁姑至孝逾二年同治戊辰捻逆至其家逼姦大罵投井而死死之日鄉人各垂涕焉

無名樹史玉蘭之處女雖生於農家而深明節義於同治七年三月二十九日聞馬賊將至其女語諸室人曰與其受污而生何爲不受污而死及馬賊猝至恐爲所辱無少徘徊無俟顧慮乘隙遂投井死蓋其貞節得諸天性者然也

孝義鄉人史致中年三十八歲於同治七年五月二十七日馬賊猝至奮不顧身與賊酣鬪手及數賊未幾而賊衆大至力竭身死其妻周氏見傷其夫厲聲大罵賊怒亦殺之并殺其幼子是夫婦咸以節義自守大堪風世

程氏縣東北北邊莊程大章女同治戊辰三月三十日捻逆竄擾至其家賊欲污之時年十七罵不絕口賊怒尸解焉

張氏縣東北大陳莊陳均妻同治戊辰三月三十日逆匪劫掠猝至女避之不及賊美其貌將犯之氏罵曰我良家子豈狗類匹耶賊怒將殺之抱幼女投井而亡

王氏縣東北樹頭孫莊孫丹鳳妻年六十餘同治七年三月張逆爲亂至其家驅之侯莊將少年婦女十數人禁之一室命看守莫放走一人許明早臨行送物爲酬及日歿開門由破壁用力推倒皆放走賊知洋鎗打之將死復架火燒

王氏縣東北後郭莊賈運旺妻北邊莊王秉純女捻逆劫掠至其家將慮以行扶馬上數次頭撞地下血流滿面猶大罵不止賊打之身無完膚血透重衣染成赭衣匍匐水甕投之而

死

馬氏縣東北後郭莊賈運熙妻馬明崑女十七歲夫亡守節誓不更適善事姑舅人皆稱之同治戊辰三月賊匪劫掠至避之不及時年三十二歲賊欲犯之大罵頭撞墻而死

徐氏縣東北後郭莊賈運隆妻徐佩玉女同治戊辰三月捻逆至攜七歲子入地窖避賊賊招之出弗出用火燒死子亦死死後產二男又死

陳氏縣東張家圈張福榮妻同治七年四月初八日賊匪竄擾莊內賊見其美欲污之氏罵曰吾本民女豈肯從賊爾卽殺我死而無悔怒罵不已被賊割舌而亡

張氏縣東北范家屯季昶妻張作肅女同治七年三月二十九日捻逆竄擾避之不及賊欲污之攜子三歲投井而亡賊恨置磨井中砸之夜聞井中每有哭聲年餘將井窰塞聲無聞焉

顧莊縣北馬元福女同治七年三月三十日捻逆竄擾見女欲污之女怒罵不絕口且曰我當今日有死而已卒不從賊以刀刺之立亡

侯莊縣東北劉松林女同治七年三月二十九日捻逆至避之不及投井而亡

侯氏西邊莊王玉更妻同治七年三月二十九日賊匪至欲污

之避遁赴井死

梁氏連鎮石允言之妻咸豐四年林逆竄踞連鎮突至氏家氏恐被脅猛投水甕死

方氏連鎮石昌言妻文生方豫占女咸豐四年林逆竄踞連鎮氏夫患病不能移避氏百計乞賊侍夫不離左右及夫歿埋葬畢投河死可謂從容就義者矣

馬杓衢莊文庠生王峻嶺年已八旬同治七年三月二十九日捻匪竄至勸不聽繼之大罵被挖眼割舌亂刃身死先生子媳張氏係振祥之妻並伊孫女年十六歲俱懸樑自盡

處士李華堂之女大姐年十九歲同治七年六月十六日爲張

逆匪黨竄入莊內五六名女恐爲所辱遂殺井死

劉氏城南閭莊人張文明之妻年二十三歲夫故氏撫二子紡織度日同治七年夏流賊竄至見氏有姿色擁之去氏不從以石脅之曰不從碎汝首氏痛罵至大街路旁有井乘間投入賊怒投磚數十擊之賊退數日始得出井殮焉

郭氏縣東北後郭莊賈梅之妻同治戊辰閏四月初八日賊至守正捐軀

戴氏劉福增之妻戴福之女年二十五歲夫亡家貧親老上事翁姑下撫幼子以紡織爲業謹守閭閻同治七年三月二十九日賊來萬計伊恐爲賊所污投井而死家居城東宋家橋

金繼昌之妹適蔡莊蔡室年二十歲時值同治七年三月二十九日長髮賊忽至無計藏身遂有一賊持刀通往他所金氏大罵不從賊乃擢髮西扯其生母適至亦大罵乃強力東支身被刀搥無數母女得脫回家賊亦隨後追至舉洋炮射胸而死血染床席其母亦因傷致疾五月尋卒

王氏監生侯振東之妻氏年五十歲同治戊辰長髮竄境攻破村寨被賊逼趕攜其二女投井併死

徐氏侯四和之妻氏年十九歲于歸四和方及六月有餘卽遇長髮賊竄擾縣境攻破村寨賊見其艷攜之而行徐氏義不受辱賊復威逼氏更肆口大罵遂被害

劉氏于文亮之妻氏年四十二歲同治七年三月二十九日賊至藏之不及以理排解反觸其怒賊欲殺之無奈以計遁赴井卒

漢軍正藍旗張氏女庠生錫朋胞妹其爲人也美如桃李而冷若冰霜寡言笑勤鍼帶終年不出閨闈雖近鄰婦女未嘗見其顏色事母有孝名其母擇偶過慎故行年二十有二猶未字也同治七年春捻匪竄擾吳橋逼近村莊知不能逃遂投井死

張氏王進凱之妻住城北齊莊同治七年三月二十九日捻匪竄至遇難身死亡年五十二歲

季氏縣東大李莊黃德成妻同邑季鳳池女也年二十歲夫卒悲慟幾絕姑勸之曰有吾在何至此氏始止家貧竭力紡織以養姑同治七年髮賊猝至避之不及懼被污以剪自刺其胸姑哭止之因詐作瘋魔解髮披面穢污其衣臭不可近時鄉人多被污者氏獨賴以自全迄已四十餘歲人共稱之

崔氏賈運富之妻同治戊辰閏四月初八日賊至守正捐軀

李氏李鳳春之女同治戊辰賊至投井死

車氏張勤之妻同治戊辰賊至投井死

侯氏侯振邦之女同治戊辰賊至自縊死

陳氏王文衡之妻同治七年賊至投井死

楊氏王金城之兒媳同治七年賊至投井死

魏氏王文浩之妻同治七年賊至投井死

張氏王文亮之妻同治七年賊至攜小女三個同投井併死

時氏甯秀貴之妻同治七年賊至殉難

翟氏朱鳳起之妻同治七年賊至殉難

蔡氏許春之妻同治七年賊至母女投井併死

李氏張德和之次孫媳同治七年賊至相逼詈罵不屈遂投井

死

德壽

孫有慶字介福住邑城東北杜墨王莊邑庠生博學多聞教授

生徒多知名土工書法尤精痘疹小兒險逆之症無不應手
奏效賴以生全者不勝枚舉卒年九十有七

張文星字耿照住邑城西南張家集天性剛直慷慨好施幼習
瘍醫精其術乞方索葯者紛至沓來有求必應不受聘謝若
至病家無論貧富未嘗以飲食菲薄介意嘗以冬日願涼水
不肯以啜茗累人也其儉於自奉善躰人情類如此是以眾
口交推稱耆德焉前邑侯張公諱棣旌其門曰今之人瑞卒
年九十歲

周焜字丙宮國學生住邑城西永豐莊其先世尙忠公與尙志
公均崇祀鄉賢其高祖永泰公以孝稱載在郡志公少失怙

事母極孝因家貧棄儒業買當負販於數百里外以供菽水其竭已之力以博堂上之歡者數十年如一日也時前邑侯席諱光縉陝西朝邑縣人亦以懋遷至京東與公同業一肆相得甚歡每恨相見之晚公知席非久居人下者因勸其復理故業爲光顯門祚計且罄其所有爲之潤飾歸裝席遂棄所業歸里奮發攻苦後之舉賢書登甲榜皆公一激之力也尋以知縣奉檄來吳甫下車卽遣吏執名刺造訪公進署拜謁談往事甚欵洽因進言曰吾兩人誼同手足罔有間言公今顯達豈不願與公文然恐招物議父台宜愛名治下宜保節彼此宜交相勉也由此絕迹不入公門而席公亦未嘗再

爲邀致以成其高尚之志晚年精醫術多神效有求必應不受聘謝有貧乏者並施以葯餌活人無算殆所謂不爲良相必爲良醫者與卒年八十有四

劉廷瑞字祥符仁和鄉人生而端方穎異至性過人自失怙砥行力學有非成人之所能及者因食指日繁勢難兼營遂棄儒習吏於應辦事件外絲毫未嘗越俎人有干以公事者必正色嚴斥之人以此咸敬畏公公生平不苟言笑寡交遊後以葭葶親有遠宦衢州府開化縣者公往依之爲謀升斗計而落落難合遂辭歸歸時有同事同鄉友素悉公秉心公正以一千六百元托公帶回付其家公於抵家之日卽送至其

家面交伊子究之金之定件公實未常悉也時公子碩膚字
陝東已成立公憂其以家計失學因勉之曰人之承先啟後
惟賴一身而立身揚名端由於學汝第勉其所當勉尊師擇
友以求得當於功名至修贄等費吾力猶能辦斷不以之累
汝心也陝東公謹受命由是得肆力於學採芹遊泮行見連
翩直上矣乃四赴秋闈屢荐未售因敬承庭訓嚴以課子其
長公恩溥於咸豐壬子科舉於鄉乙丑成進士入詞林授編
修記名御史次公恩濬戊午科舉鄉荐壬戌科考取內閣中
書陞侍讀光緒紀元以特

旨帶領引

見加道銜以

道府記名

簡放恭遇

覃恩詳符公及陝東公均以加級晉封二品論者咸謂兩君之貴
顯固陝東公之訓迪有方亦祥符公德澤所綿之厚也卒年
九十有三

吳橋縣志卷十

雜記志

考辨

河渠考

古九河地

禹貢 濟河惟兗州九河既道

通鑑綱目 周宣王五年秋河徙綱西漢書曰王橫言周譜

云宣王五年河徙則今所行非禹所穿也目

西漢溝洫志 許商以爲古說九河之名有徒駭胡蘇鬲津

今見在成平東光鬲界中自鬲以北至徒駭間相去二百餘

里今河雖數移徙不離此域 賈讓奏言隄防之作近起戰國壅防百川各以自利齊與趙魏以河為竟趙魏瀕山齊地卑下作隄去河二十五里河水東抵齊隄則西泛趙魏趙魏亦為隄去河二十五里雖非其正水尚有所游盪時至而去則填淤肥美民耕田之或久無害稍築室宅遂成聚落

水經注 齊桓霸世塞廣田居同為一河漢世常欲求九河故跡而川之未知其所是以班固云自茲距漢北亡八枚者也

按河自周定王南徙九河故跡漢已不可得識矣在吳橋者曰鈞盤亦今河而被以古名也曰老黃河亦以其槩言之也地理今釋謂經吳橋者為鬲津而許商又謂鬲津最南下流甯津又曰胡蘇是皆不可執者總惟九河故道云耳抑周定

五年河徙而周定在齊桓之後其或因桓之塞水不能容乃橫溢與齊與趙魏東西各作隄防則漢大河之經行即因是道與漢去古未遠所言似未可厚非故備錄諸說以俟考証

漢

大河

即今運河

屯氏別河北瀆

今鈞盤河老黃河沙河

漢書溝洫志 孝武元光中河決於瓠子東南注鉅野通於

淮泗上使汲黯鄭當時興人徒塞之輒復崩壞後二十餘歲歲因以數不登而梁楚之地尤甚上既封禪巡祭山川其明年乾封少雨上乃使汲仁郭昌發卒數萬人塞瓠子決河於是上以用事萬里沙則還自臨決河沈白馬玉璧令羣臣從官自將軍以下皆負薪寘決河是時東郡燒草以故薪柴少而下淇園之竹以為楗上既臨河決悼功之不成廼作歌於

是卒塞瓠子築宮其上名曰宣防而道河北行二渠復禹舊跡而梁楚之地復甯無水災自塞宣房後河復北北於館陶分爲屯氏河東北經魏郡清河信都勃海入海廣深與大河等故因其自然不隄塞也此開通後館陶東北四五郡雖時小被水害而兗州以南六郡無水憂 元帝永光五年河決清河靈鳴犢口而屯氏絕 王莽時徵能治河者以百數但崇空語

水經 大河故瀆又東逕平原縣故城西而北絕屯氏三瀆北逕繹幕縣故城東北西流逕平原鬲縣故城西大河故瀆又北逕修縣故城東又北逕安陵縣西注又東北至東光縣故城西而北與漳水

合流

屯氏別河北瀆東經繹幕縣故城南東絕大河故瀆又東北逕平原縣枝津北出至安陵縣遂絕 屯氏別河北瀆又東北逕重平縣故城南屯氏別河北瀆又東入陽信縣今無水按桑欽水經作於宣房築屯氏河分之後所謂大河故瀆修縣東安陵縣西至東光合漳水者今運河道也屯氏別河北瀆今老黃河鈞盤河地也枝津北至安陵者今沙河地也又老黃河及沙河俗皆稱王莽河意元帝時屯氏河絕成帝初馮遂奏復屯氏河王莽多徵治河者曾因其舊疏濬之與

東漢 德棣八河

通鑑綱目 明帝永平十二月夏四月修汴渠隄綱初平帝時河汴決壞久而不修建武十年光武欲修之浚儀令樂俊

上言民新被兵革未宜興役乃止其後汴渠東浸日月彌廣
 兗豫百姓怨歎會有薦樂浪王景能治水者夏四月詔發卒
 數十萬遣景與將作謁者王吳修汴渠隄自滎陽東至千乘
 海口千餘里十里立一水門令更相洄注無復潰漏之患雖
 簡省役費然猶以百億計焉 目十三年夏四月汴渠成 綱河
 汴分流復其舊跡 目

余氏闕曰自周定王時河始南徙訖於漢而禹之故道失矣
 故西京時受患特甚自瓠子再決流為屯氏諸河其後河入
 千乘而德棣之河又播為八漢人指以為太史馬頰者偶合
 於禹跡故訖東都至唐河不為害者千數百年至宋而河又

南決乃由彭城合汴泗東南以入淮

按河人千乘後此地當為德棣入河
 之一二特未能有所攷定王名耳

隋 永濟渠 今運河

隋書煬帝紀 大業四年春正月乙巳詔發河北諸郡男女

百餘萬開永濟渠引沁水南達於河北通涿郡 七年帝自

江都行幸涿州渡河入永濟渠

唐 永濟渠 今運河 古毛河 今老黃河 斬河 今沙河

唐書地理志 滄州景城郡清池縣西北五十五里有永濟

隄永徽二年築南十五里有浮河隄開元十六年築 景州

東光縣南二十里有斬河自安陵入浮河開元中開 南皮

縣古毛河自臨津經縣入清池開元十年開

顏師古漢書注 屯氏河隋室分析州縣誤以為毛氏河乃

置毛州失之甚矣

按清池今之廢滄州在今滄州東南所云永濟隄正今衛河地永徽為高宗年號則此地即隋所開之渠而地理志所記貴鄉縣開元二十八年刺史盧暉徙永濟渠自石灰窠引流至城西注魏橋以通江淮之貨者乃即其一處言之無關此地也今沙河由吳橋入東光城南下通滄州當即安陵由東光入浮河之靳河矣毛河為屯氏河之誤吳橋老黃河即古屯氏河北瀆由甯津入南皮正當其地則唐之古毛河即漢之屯氏河而今吳橋之老黃河也

宋

御河

今運河黃河亦嘗由此

赤河

老黃河

宋史 慶曆八年六月河決商胡掃 皇祐元年三月河合

永濟渠注乾甯軍 嘉祐五年河流派別於魏之第六掃曰

二股河其廣二百尺自二股河行一百三十里至魏恩德博

之境曰四界首河七月都轉運使韓贄言四界首古大河所

經即溝洫志所謂平原金隄開通大河入篤馬河至海五百

餘里者也自春以丁壯三千浚之可一月而畢支分河流人

金赤河使其深六尺為利可必商胡決河自魏至於恩冀乾

甯入於海今二股河自魏恩東至於德滄分而為二則上流

不壅可無決溢之患乃上四界首二股河圖 神宗熙甯元

年六月河溢恩州烏欄隄又決冀州棗強掃北注瀛七月又

溢瀛州樂壽掃 二年七月二股河通快北流稍自開張鞏

奏東流勢漸順快宜塞北流除恩冀深瀛永靜乾甯等州軍

水患又使胡盧河御河下流各還故道 八月北流閉

熙甯四年十月溢衛州王供時新隄凡六掃而決者二下屬

恩冀貫御河奔衝爲一帝憂之自秋迄冬數遣使經營 五

年水入二股河決口塞 元豐四年四月水吳掃復大決自

澶注入御河恩州危甚六月戊午詔東流已填淤不可復將

來更不修閉小吳決口候見大河歸納應合修立隄防令李

立之經畫以聞 五年九月河溢滄州南皮上下掃又溢清

池掃 元祐二年右司諫王覲言今河之爲患三泛濫滄瀆

漫無涯涘吞食民田未見窮已一也緣邊漕運獨賴御河今

御河淤澱轉輸艱梗二也塘泊之設以限南北濁水所經卽

爲平睦三也 紹聖元年王宗望言奉詔凡九月盡障北流

使全河東還故道 二年六月河決內黃口東流遂斷絕入

月詔大河水勢十分北流其以河事付轉運司責州縣共力

救護隄岸 崇甯四年尙書省言大河北流合西山諸水在

深州武強瀛州樂壽掃俯瞰雄霸莫州及沿邊塘濼萬一決

溢爲害甚大詔增二掃隄 政和五年都水使者孟揆言大

河連經漲淤灘面已高致河流傾側東岸今若修閉棗強上

掃決口其費不貲今漫水行流多鹹鹵及積水之地又不犯

州軍止經數縣分迤邐纏御河歸納黃河欲自決口上恩州

之地水隄爲始增補舊隄接續御河東岸簽合大河從之

御河源出衛州共城縣百門泉自通利乾甯入界河達於海
 熙甯二年劉燹程昉言二股河北流今已閉塞然御河水出
 冀州下流尚當疏導以絕河患 元豐五年提舉河北黃河
 隄防司言御河狹隘隄防不固不足容大河分水乞令綱運
 轉入大河而閉截徐曲既從之矣明年戶部侍郎蹇周輔復
 請開撥以通漕運及令商旅舟船至邊岸大抵自小吳掃決
 大河北流御河數為漲水所冒亦或湮沒哲宗紹聖三年四
 月河北都轉運使吳安持始奏大河東流御河復出詔委前
 都水丞李仲提舉開導徽宗崇甯元年冬詔開臨清縣壩子
 口增修御河西隄高三尺并計度西隄開置斗門決北京恩

冀滄州永靜軍積水入御河枯源 政和五年詔於恩州北
 增修御河東隄

按運河在宋實為御河自皇祐元年河合永濟渠注乾甯軍
 遂又為黃河經行之地然史言商胡決河自魏之北至恩冀
 乾甯入海是謂北流嘉祐中河流派於魏之第六掃遂為二
 股自魏恩東至德滄入海是謂東流御河特大河分水所經
 或帶入大河失其故道通志郡志謂即黃河北河各還故道
 而三年劉燹程昉奉命開烏欄隄東北至大小流港橫截黃
 河復故道則前此御河固不由故道也而熙甯元年河決冀
 州棗強瀛州樂壽知河固不由此地矣至四年河決新隄下
 貫御河旋經修塞元豐四年復大決小吳掃注入御河乃不
 更議修閉而御河志言自小吳掃決大河北流御河數為漲
 小所冒亦或湮沒元豐五年河溢滄州南皮永靜阜城諸掃
 隄防司言御河狹隘隄防不固不足容大河分水則御河固
 北流之分水而淤澱者且不知幾何矣大抵河北流復西徙
 南宮棗強深州武彘下至樂壽入乾甯軍其北流道也觀河
 决溢之地可以攷見至紹聖三年大河東流御河復出詔李
 仲提舉開導崇甯元年詔開臨清壩子口增修御河西隄乃

今運河之道政和中自決口上恩州之地水隄為始增補舊隄接續御河東岸簽合大河則御黃河合流而金史所云舊黃河行恩州景州滄州會州之境者當以此言之若遂為黃河北流恐未深攷矣

又按甯津胡蘇河寰宇記云一名赤河嘉祐中韓贄言開通大河入篤馬河支分河流入金赤河篤馬河即東流在今陵縣地而支分入赤河蓋即老黃河下通甯津者與附識以俟博攷

金 永濟渠 亦曰 舊黃河 今運河

金史地理志 景州吳橋縣有永濟渠

金史河渠志 通漕之水舊黃河行滑州大名恩州景州滄

州會川之境漳水東北為御河則通蘇門獲嘉新鄉衛州滄

州黎陽衛縣彰德磁州洺州之境 泰和六年尚書省以凡

漕河所經之地州縣官以為無與於已多致淺滯使綱戶以

盤淺剝載為名奸弊百出於是遂定制凡漕河所經之地州

府官衙內皆帶提控漕河事縣官則帶管勾漕河事俾催檢

綱運營護隄岸為府三州十二縣三十三內有吳橋 茲不備錄

按通漕之水謂舊黃河政和中所修隄簽合者也即永濟渠為今運河又地理志將陵有鈎盤河將陵為今德州在吳橋上流則今吳橋之鈎盤當宋時已有其名矣

元 御河 亦曰 運河 今運河

元史 至元三年七月都水監言運河二千餘里漕公私貨

物為利甚大自興兵以來失於修治清州之南景州以北類

闕岸口三十餘處淤塞河流十五里至癸巳年朝廷役夫四

千修築浚滌乃復行舟今又三十餘年無官主領滄州地分

水面高平地全藉隄堰防護其圍圃之家掘隄作井深至丈餘或二丈引水以溉蔬花復有瀕河人民就隄取土漸至闕破走洩水勢不惟澁行舟妨運糧或致湮民居没禾稼部議以濱河州縣佐貳之官兼河防事於各地分巡視如有闕破卽率衆修治仍禁圍圃之家毋穿隄作井栽樹取土都省准議 延祐三年七月滄州言清池縣民告往年景州吳橋諸處御河水溢衝決隄岸萬戶千奴爲恐傷其屯田差軍築塞舊洩水郎兒口故水無所洩浸民廬及已熟田數萬頃乞遣官疏闢引水入海及七月四日決吳橋縣柳斜口東岸三十餘步千戶移僧又遣軍閉塞郎兒口水壅不得洩必致漂蕩

張管許河孟村三十餘村黍穀廬舍故本州摘官相視移文約會開闢不從四年五月都水監遣官與河間路官相視元塞郎兒口東西長二十五步南北濶二十尺及隄南高一丈四尺北高二丈餘復按視郎兒口下流故河至滄州約三十餘里上下古跡寬活乃減水故道名曰盤河令爲開闢郎兒口增濬故河決積水由滄州城北達滹沱河以入於海泰定元年九月興工十月工畢

按元史載清池縣西永濟河自南皮縣來入於清州亦名曰御河則御河亦卽永濟渠矣自元復修築浚滌以濱河佐貳官兼河防事而河流無滯此運河之在元者然也柳斜口今吳橋縣志無其名大抵吳橋運河東岸決率由東光下達滄州則所謂郎兒口減水故道卽今沙河之下流與其名曰盤河亦或因爲鈞盤下流故有是名也

明 衛河今運

舊黃河今鈎盤河老黃河

明史河渠志 黃河白昂又以河南入淮非正道恐卒不能容

復於魚臺德州吳橋修古長隄又自東平至興濟鑿小河十

二道入大清河及古黃河以入海河口各建石堰以時啟閉

宏治三年

衛河宋禮言衛輝至直沽河岸多低薄若不究源析流但務隄

築恐復潰決勞費益甚會通河抵魏家灣與土河通其處可

穿二小渠以洩於上河雖遇水漲下流衛河自無橫溢患德

州城西北亦可穿一小渠蓋自衛河岸東北至舊黃河十有

二里而中間五里故有溝渠宜開道七里洩水入舊黃河至

海豐大沽河入海詔從之 永樂五年 楊砥言吳橋東光興濟交

河及天津等衛屯田雨水決隄傷稼德州良店驛東南二十

五里有黃河故道與州南土河通穿渠置閘分殺水勢大為

民便命侍郎蘭芳往理之 永樂十年

按衛河為今運河白昂所修古長隄今城南隄也宋禮所開德州西北渠入舊黃河即今鈎盤河楊砥奏開德州東南渠入黃河故道者當是今老黃河白昂所鑿小河十二道在宏治年間其中或有此二河當亦因而疏濬之復加以石堰與舊志稱白昂於四女寺鑿裏寺至九龍口入舊黃河又似與楊砥所開不同者俟再查對但黃河於宏治七年即全行南徙不復北流此特預備之計河實未嘗經此

安陵辨

王 奐

人物各產其方貴於存信豈可因地名偶同遂引他方之賢入

風馬牛不及之地哉景州東光舊有安陵名舊志撰人物遂取
六國縮高漢馮唐並載志中不知安陵有三一在河南漢書括
地志潁川郡鄆陵縣六國爲安陵屬魏此縮高之所以爲安陵
人也一在陝西西漢安陵縣屬右扶風漢惠帝陵邑此馮唐之
所以爲安陵人也若夫渤海郡之安陵則曰東安陵縣晉時置
加東以示別也與縮馮二公無涉矣觀縮高子爲管守信陵君
遣使之安陵君屬遣縮高以攻管安陵君曰吾先君成侯受詔
襄王以守此土也手受太府之憲曰子弑父臣弑君有常刑今
高謹修詞大魏以全父子之義而君曰必生致之是我負襄王
之詔而廢大府之憲也襄王梁惠王子戰國景州東光屬趙史

稱趙割河間以事秦又樂毅奔趙封之觀津今東光也無所謂
安陵者且趙至武靈始稱王其先簡子襄子止曰簡襄主是襄
王爲魏王而縮高爲魏臣其爲鄆陵人無疑矣漢右扶風之屬
置安陵以其爲帝陵故佞幸籍孺閹孺徙家焉示親暱也袁盎
父徙家安陵盎家居梁王使客入關中刺殺盎安陵郭門外馮
唐大父趙人父徙代漢興徙安陵不聞其轉徙何地也是安陵
在漢最著豪右多居之而唐之家安陵自先人以來爲日入矣
豈若渤海之安陵晉置而北魏因之隋大業間併入東光以後
廢置不常烏得以千百年以前之人物濫載此土哉

附舊縣志

子始覽州志載安陵人者七戰國有安陵君及

縮高漢有馮唐弓林馬嚴馬敦唐有項仲山竊意安陵廢城
吳蹟也則此數人者當爲吳產固欲采而錄之所謂逃空虛
之谷聞人足音而喜耳旣而參考圖志乃見長安之安陵然
後喟然嘆曰嗟大此州志之訛也子尙可踵其訛哉夫安陵
君成侯受詔於魏襄王彼固魏邑也縮高亦魏人不宜入齊
趙志明矣弓林與平陵方望同事仲山飲馬渭水嚴敦兄弟
居鉅下三輔平陵渭水三輔地皆在長安去此千百里惡可
以此之安陵而冒合之馮唐墓亦見長安古蹟蓋其大父趙
人父居代漢徙安陵載在史記者足徵也然則唐亦豈此地
人物哉特因其大父而係籍於趙則可謂云爾已矣外僑寓

者李白李頎二人按其所謂安陵橋者亦決非此之安陵可
知也夫志核實不實則誣誣非所以傳信也

按安陵之辨甚悉但謂景州東光舊有安陵之名亦屬未考
愚嘗辨之附錄於此 縣志言吳橋與景州分昔安陵之半
府志又言景州東光皆有安陵之名而安陵爲今景州殆非
也吳橋自大半爲安陵地其安陵未盡爲吳橋者當與德州
共之景州無安陵也隋併安陵入東光唐武德間旋復析置
是東光已無安陵矣宋移將陵於長河而省安陵入之長河
爲今德州治其北由柘圍至安陵鎮皆德州地景州城東三
五里卽德州界蓋昔將安陵之交錯者也至今立吳橋乃南
割將陵西北統有舊安陵地所不盡者或今德州運河東西
地耳於景州乎何與其謂安陵爲景州者徒以今安陵鎮半
屬景州不知古今立鎮多爲兩屬接界之所如今連窩爲吳
橋驛而河西屬景州市北屬東光後日亦將謂吳橋地半入
景州東光乎從來疆犬牙相制勢難均齊方正古祇有省安
陵入將陵之文并無省入景州者景州何得與也然則吳橋
爲將陵亦應金以前言之觀金河渠志漕運所經由故城而
將陵而吳橋是吳橋旣立而將陵自在也蓋德州在金爲將

陵在元爲陵州而古德州寔今陵縣後乃互晏其名焉知將陵之爲德州則知安陵之爲吳橋固應以將陵還德州而以安陵還吳橋景州固無與也夫

吳橋本漢將陵地漢宣帝以封外家史氏晉武於此置縣所清東安陵吳橋舊志言漢置安陵非也今縣東南三十里趙寨鎮北有將陵故城縣西北二十里有東安陵故城址並存將陵今山東陵縣距吳橋境壤尤近明縣地在昔本屬平原郡矣吳橋名鎮在邑人傳爲古大姓吳氏所族居或曰燕吳王慕容垂常引兵經過此橋故稱吳橋志無稽焉自金置縣至明崇正初已四百餘歲當城中遠隱然猶有古隄斷岸之勢掘地在多得方磚巨瓦出卽埋之父老謂此卽吳橋處也城

外大河南岸舊有橋傳爲吳橋南頭與城中橋址南北對值相玄凡二里郡志

按郡志吳橋本漢將陵縣屬平原郡後漢省晉以其地爲東安陵縣屬渤海郡後魏惟稱安陵縣隋大業中併入東光唐初復置安陵縣屬觀州貞觀十七年以屬德州景福元年隸景州後周時置保順軍宋太祖開寶三年以滄隸二州界保順吳橋二鎮之地益焉隸於滄州金世宗初年慶保順軍始以吳橋鎮地置吳橋縣隸河間府景州元屬河間路明屬河間府今隸屬同於明時

災祥

漢

鴻嘉四年秋河水溢害渤海清河信都灌縣邑三十敗官亭民舍四萬餘所

獻帝初平二年黃巾賊轉寇渤海校尉公孫瓚與戰於東光大

破之

郡志

管輅至安德令劉長仁家有鳴鵲來在閣屋上其聲甚急輅曰鵲言東北有婦昨殺夫牽引西家人夫離婁侯不過日在虞淵之際告者至矣到時果有東北同伍民來告鄰婦手殺其夫詐言西家人與夫有嫌來殺我婿劉長仁有辯才初聞輅

能曉鳥鳴每見難及有鳴鵲之驗乃服

季漢書

魏

延康元年夏四月丁巳饒安縣言白雉見賜饒安田租渤海百
姓牛酒大舖三日

晉

大甯元年三月庚戌饒安東光安陵三縣災燒七千餘家死者
萬五千餘人

東晉

元帝初樂陵太守邵續屯馱次綏懷流散趙領等率廣川渤海
千餘家歸續續使部將進築河間以拒石勒

郡志

按此尚王浚所置愍帝二年勒襲陷薊殺浚續乃附勒旋歸
晉爲平原太守又爲冀州刺史元帝太興之年勒遣石虎攻
冀州遂入於趙此
請元帝初疑有誤

北魏

宣武帝延昌四年冀州德門法慶以妖幻惑衆作亂自號大乘

詔光祿大夫元瑤討平之

綱目 郡志作瀛
州刺史宇文福平

孝明帝孝昌三年葛榮陷冀州四年九月爾朱榮討擒之冀定
滄瀛殷皆平

隋

大業七年修人高士達起兵清河稱東海公以竇建德爲軍司
馬十二年太僕楊義臣擊斬士達建德收其衆還屯平原勢

復振十三年稱長樂王襲破薛世雄軍之都樂壽國號夏改
元五鳳河北郡縣爭附唐武德四年平

唐

永徽二年大水移建安陵縣城白社橋

見舊唐書

開成三年河北等處蝗草木葉皆盡

元和七年大稔

唐

元宗天寶十四載安祿山反以劉道元擾景城太守清池尉賈
載鹽山尉穆甯共斬其首攜謁長史李暉送詣平原與清河
尉張澹河間司法李奐等共推顏真卿爲盟主十五載史思

明攻陷之肅宗至德二載思明降

文宗太和二年李同捷拒命三年橫海節度使李祐帥諸道兵
擊同捷拔德州同捷請降滄景平

昭宗光化元年劉仁恭取滄景德州

光化三朱全忠遣兵拔德州圍滄州李克用救之

梁

太祖開平三年劉守光攻克滄州殺其兄守文梁主瑱

貞明元年晉拔德州二年拔滄州

五代後唐

天成三年河北大稔斗米十錢

宋

淳化三年滄州等蝗蛾抱草自死

熙甯二年滄州數路地震有一日十數震有踰半年不止者

金

宣宗真祐元年蒙古主自將由中道取清滄景獻等二十一郡

三道凡破九十餘郡金帛子女牛馬羊畜皆席捲而去

興定四年紅襖賊寇樂陵轉掠河間橫海節度使王福敗之

封王福滄海公隸以吳橋等十一州縣八月王福降宋張林

五年張林降蒙古元光元年宋知濟南府种贊討張林敗走

之

貞祐四年河北行省侯摯言河北人相食觀滄等州斗米銀十

餘兩

元

皇慶元年九月河間等路進嘉禾異畝

莖數穗者命

集賢學士趙孟頫繪圖藏秘府

泰定二年德景等州縣蝗

至順二年景獻等八州蟲食桑為災

順帝至正十七年詔天下團結義兵路府州縣正官皆兼防禦

使

至正十八年宋毛貴破濟南路攻董搏霄於南皮搏霄死之淮

南淮北等處義兵都元帥同知張誼提兵復吳橋見孫公廟碑為十一年夏四月以史考之當是二十一年蓋毛貴亂後察罕鐵木耳恢復時歟

明

洪武元年大將軍徐達取河間等地皆下之

洪武二十八年德州太水壞城垣吳橋正當下流

建文二年燕兵襲滄州遂渡河過德州按此在十月是年五月已陷德州八月旋復

永樂十年十一月吳橋決隄傷麥

正統五六年連歲蝗

天順三年四月河間濟南連日烈風麥苗盡敗

成化十八年八月衛漳漳沱並溢自清平抵天津俱見明史

成化二十二年有年郡志

正德六年賊劉六劉七等奉楊虎為渠帥引眾攻河間州縣劫

掠甚眾黃公堂說賊不攻城即此時

正德七年六月黑眚見河大者如犬小者如貓夜出傷人有至

死者形赤黑風行有聲居民夜持刁斗相警達旦踰月乃

十一月地震

正德九年河間諸州縣蝗食苗稼皆盡所至蔽日人馬不能行

民捕蝗以食或曝乾積之又盡則人相食

嘉靖二年兩京山東等七省旱赤地千里殍殮載道明史

嘉靖三十九年飛蝗蔽天食禾殆盡

萬曆三年大有年

萬曆三十九年大水穀貴甚

萬曆四十一年大水

萬曆四十一年冬甯津盜大起明年九月官兵討平之

天啟二年武邑白蓮妖賊于宏志作亂逼近吳橋范文忠公請

天津援鄒滕兵討之

秋有大盜集連鎮邑官兵圍向莫敢前開原鄭揮使名之麟

值此率三五健兒直前捉之大衆隨進盡擒之王公允長贈

之以詩浩氣橫定暗陣雲直前探穴奏兵勲霜明巨劍狼驚

隊鳳勁深弓豕殪羣脫穎何人識國士清纓此日見飛軍還

期振旅湖湘下淨埽妖氛警不聞

崇正四年閏十一月丁卯登州遊擊孔有德率師援遼次吳橋

南關反欲攻城黃生騰龍周生櫛說心之還陷陵縣臨邑商

河等縣十一年

大清兵入吳橋知縣李綦隆棄城走訓導劉廷訓死之

崇正十三年旱甚斗米銀二兩人相食

崇正十四年大旱飛蝗蔽天死徙流亡畧盡

崇正十五年民間異疾作且染人親友至不敢弔問

郡志

范文忠公爲諸生時游京師與太學李生交及公會試復至往

訪李李先借居一貴人園有女狐來狎久若夫婦一日狐與

李云當暫避草頭人迄曉狐忽不見聞叩戶者啟之則文忠也李方悟草頭人爲范字心訝之然不以告及公別去向夕則狐又在生榻矣因問之何爲畏彼狐曰彼爲大貴人須稍避之李復問已名位何如曰亦大貴李曰然則何不畏我曰彼鍾氣甚正子安得望彼故不畏耳李後常與人言之筆刺范文忠公鎮通州時署後樓久有怪人不敢居公秉燭正坐闔門待之夜半有謫聲遠來甚異近乃寂然忽一物入戶見公若懼不敢退膝行至前向匍匐狀公舉筆點其額怪遂出亟使人迹之入庫中啟視一大鼓上有朱點劈之則已血凝半腔矣自是怪遂絕

大王廟去城東十二里廟前楊樹一株大可雙合抱高十餘丈蓋數百年物樹有龍爪痕五自下直上至頂皆寬深數寸傳舊時有龍起樹下似攫妖物者至今其跡宛然皮肉焦不能合他處自茂盛

張閻然居張仙廟幼時過鄰村其村人夜夢神謂曰明晨有貴人過門前不潔當掃除之醒而復寐夢復然異之晨起掃除覘候而過者張也於是衆嘖嘖謂張氏子當大貴後順治元年拔成均以知縣終

國朝

順治十一年冬大雪封戶人至不能出入多凍死者

國初有牟姓者貧無賴一日夜歸見路卧一貓色白可愛因置囊中負以歸夜半忽作人聲語牟曰我狐也醉卧現形爲君所執倘釋我將爲君致富以報牟詢所以曰我能爲人作祟我前行使病君隨醫之自應手愈以是索厚謝富可立致也牟始懼且疑繼思已方赤貧盍試之乃與盟旦日試之附近村鄰果然自近而遠歷試之無弗然者由是而山東河南山陝遼陽逾千百里所至皆獲厚貲隆隆然富矣乃復神異其說謂牟尼佛本姓牟今復投生牟家實卽如來轉身普濟世人風親信者倡立梵宇遠近爭輦致木石爲助營構不數年巍峩輝煌稱大叢林四方進香頂禮有逾千餘里至者定期正

月十月進香二次因立會場復收其香資場資以爲利周寺置僧舍十二院以待進香者自於大殿側作小樓爲會衆說法所下開地道通其家客來令先居院中齋戒越宿後見使院中僧詢其居止姓名道途景况密各報知次晨見則呼其名或驟談其途中事雜以詭異之說以動之衆驚以爲前知不知實院中僧告之也見後復引至其家已乃先從地道中趨赴比客至而已先矣益共驚以爲神目爲活佛土人知其底裏者竊笑之咸呼之爲牟三道云幼未讀書不通文義募一道士藏窟室中代纂經一卷曰還宗教謂牟尼復生牟氏也中多剽竊他經語然殊雜亂不堪而信奉者競供誦之時

國初法綱尙疎幸未獲罪乾隆初年大憲聞知焚其經并其寺毀之至戊戌己亥間山西省有以習還宗教事發奉查行文到縣而毀除已久矣遂不究亦始終之幸也初牟未有家室後携一婦人歸謂途遇衆持錘掘土是婦叩頭乞甚哀問之乃婦近不謹其父母翁姑將生瘞之牟遂乞其餘生爲己婦衆棄之去戒婦勿道兩家姓氏以其色白如雪遂改姓雪衆呼爲雪奶奶人疑卽前狐所化云

康熙二十四年歲稔

康熙二十八年旱

康熙四十二年五月大雨水陸地行舟

康熙四十七年旱飢

康熙六十年大旱至六月始雨是後夜雨晝晴晚禾大熟

康熙間有杜紳者頗豪富居城東白楊村夏夜微雨有龍入所居樓中自下而上出譙屋盤女牆角火焰灼然更夫疑失火急以盆水撲之龍乃墜天井中震雷騰上大雨如注共驚起燃燈視之窗櫺有破紙痕透樓板而上有孔僅容指四圍若火燒者時溽暑多眠樓上其孔在眠榻旁所爭數寸耳屋門一扇劈如牙杖挿頂隔紙上殆徧且勻甚下布地黑屑寸餘氣如硫黃撲鼻薰人一侍女倒置門旁不省人事救頰問之云見一黑人甚長兩目炯炯迎門際乃爲所持卽驚迷不自

覺焉自是其家遂衰

雍正元年四月初七日午後黑風驟起瞬息如晦

雍正二年大有年

雍正八年 月大雨雹屋瓦皆損人畜有傷死者

雍正八年秋大雨雹時城西李莊民人生一子墮地卽能言涕泣謂此非我家也問之其家住城南花園年十餘歲時自塲歸遇雹仆他起卽來此來時猶見其父苦棗屋上訪於城南果然父心惡之飲以黑狗血遂不復記憶云

雍正十一年六月二十四日大雨如注一晝夜民屋垣多倒塌平地可舟行百餘里

乾隆八年大旱炎風如災人多暍死

乾隆十一年五月十三日大雨雹晚禾有秋

乾隆十三年歲稔

乾隆二十六年德州河決入鈎盤沿堤危甚溝店舖堤決灌城東北數十村

乾隆三十九年旱

乾隆庚申年有訛言自京中來謂十一月當地震屋居防傾墜一時譁然競爲穹廬結草棚甚或露處以待實不驗也

城南李家莊有李姓者素奸黠好搬闖是非一日醉歸見村前墳樹下數兒聚賭往捉之羣兒起與搏一婦人自田中呼其

名數其舊事以詈視之則夙有嫌者某氏死已久矣乃悟是皆鬼也急奔歸而羣兒已攝其魂至鄰村齊家相謂是口惡已多矣引其舌結以繩繫廟柱上久不能解飢渴不可耐後偶得解逃歸而身僵卧床上不語不食已半月餘至是甦備語人乃不敢復至鄰村半載後死

乾隆戊子夏有妖術自南來能隱形割人髮辮或見鷄狗至前卽被割被割卽倒地不省人事逾時救甦仍病卧數天乃愈云亦有死者一時訛言百出人情洶洶相傳治法有符水有咒語有施葯者有傳方者人皆藏一符於髮辮中孺子至不敢使出門紛囂半月復北去婦人則割衣襟情狀相類而災

被割在亦無幾間有欠債者逃學者子弟奴僕獲咎者借圖免亦不盡災也

嘉慶二十五年冬大雨雪

道光元年正月鈎盤河決水及城下

道光八年七月地震

道光二十六年七月有白氣見於西方其長竟天

道光二十七年八月二十二日城西王溫莊民人田景元之妻

辛氏一胎連生三男俱各存活經前縣李詳請上憲彙

奏蒙

恩准給米布

咸豐三年髮賊李開方林鳳祥由天津甯至連鎮至四年正月僧邸勝帥及慶總鎮討平之

咸豐七年捻匪朱景詩自河西東來由城東溝店舖一帶南甯鄉團與之接仗殺傷我鄉兵二百餘人南至朝城僧邸帥眾討平之是年十月間有馬賊千餘自武彞棗強東甯渡河擾及甯吳一帶河東數縣鷄犬為之不甯者累月

咸豐七年十月三日晚有火起於甘石橋迤東路南溝中其光燭天赫然直上及銀漢隱而弗見

按舊志未載災祥然天災流行何地蔑有孫益都所謂志匹夫匹婦占年望歲之心助田父牧豎牆陰之語者是亦不可闕也而特採國史地志中有係吳橋者並得之採葺以備一格而兵與異亦繼錄之

同治七年捻賊張總愚由保定饒湯安平率眾渡河而東在吳橋甯津鹽山南皮東光平原齊河等州縣蹂躪盤踞數月之久是時前縣王公恩照與同寅紳耆及城鄉百姓竭力困守孤城晝則分班瞭望夜則明燈傳籌無少倦怠彈丸盡爾上下一心賊來窺覬數次搃未敢攻後經左宮保宗棠陳侍衛國瑞諸大臣追踪撲滅而此數州縣之流離荒涼已不堪言矣

撰著

三皇五帝紀

列國世家

擊壤集

右明兵備副使李懿著

思本堂集

水部稿

水部詞

會奇類編

海上吟

吳郡縣志

卷一

雜記志

撰著

三五

石明南甯府知府范永年著

開心札記

味元堂奏疏

師律

昭代武功錄

餐冰齋詩集

大臣譜

南樞志

石明東閣大學士范景文著

渾天儀說五卷

右明光祿李天經著吳邑舊志言天經纂崇正歷書考崇正
歷書凡一百二十六卷大學士徐光啟使王應遴李之藻等
共修者非獨天經爲之惟儀說五卷則其所自爲也

復初齋文集 復初齋詩集

右舉人滑縣教諭王作肅著

修修園詩稿

右內閣中書王履吉著

遺一春秋

九河臆說

冰雪齋詩稿

吳橋縣志 卷一
右候選縣丞王實堅著

大學講義

中庸狐白

右進士侯國正著

凌雲縣志

宦餘存稿

右同知季崇楷著

吳橋聞見錄

漱澗軒文集

漱澗軒詩集

右進士宣化府教授季炬著

冰玉齋詩稿

右范文忠公女弟王德啟嫡配范氏景妣著

續餘存稿

右進士季炬繼配邢氏著

金石

明

石刻二十塊舊存邑紳王氏處今歸瀾陽書院係明相國范文忠公禮部尙書董文敏公及米氏萬鍾遺跡古色斑駁洵爲至寶

磁盤

范文忠公家因園丁鑿窖得磁盤數十餘皆觸碎獨存其一質同古玉花欸極精青色透骨扣之作金石聲其製自何年亦無欸識大約數百年物也公自作古盤吟以詠之一時和者甚衆自公以大節殉國而此物亦如雲烟之過眼矣

聽秋閣快風亭榮木軒澄碧堂冰雪齋如石山房名流題咏
甚衆復瀾園歸於其甥孫王作肅易名復園繪爲復園圖十
二幅其門人楊萃爲之記

邑人周萬協登邑庠復游大學輕財好施康熙四十七年大饑
施粥三月活數千人命邑宰杜公子藩題惠愛博施匾額以
旌獎之有寒冷及死不能斂者悉與以衣棺行之終身無倦
色

邑城東無名樹莊西一帶地中多碎磚瓦每雨後多有掇拾古
錢及珠寶者又時至上元於其莊西登高遠望時有仙燈出
現自南而北若連綴者然又其地有無名樹數株其樹似椿

其葉似槐非槐似榆非榆其子似櫻桃而核甚大

